

SANITÉ: Le dotur Eduard Agreiter é demez dai 16 ai 27 de messé y vègn sostituì dala doturia Grete Mahlknecht 0474 523018 – 349 06 67 034

Aldiënza dla defensuria zivica en vëndres, ai 13 de messé, dales 14.30 - 16.00, a San Martin te comun. Informaziun y prenotaziun 0471 946 020

### PLOANIES SAN MARTIN Y LUNGIARÜ

La Schira Jonila Val Badia organisèia en colauraziun cun le Sorvisc ai Jogn les "Olimpiades di Sorvidus" la domènia ai 15.07.2018 a La Ila tl ciamp dl sport. I metun man dales 08.30 cun l'entrada de düc i ministranc. Dales 09.00 é la Mëssa dla domènia y dedò jüc por düc i sorvidus dla valada che vègn stluc jö cun la premiaziun. L'entrada y la marèna é debann por i sorvidus che tol pert ai jüc.

### SAN MARTIN

Nos jogn da San Martin inviun dër bel la popolaziun da gni a sté en compagnia pro le torné de nôt «Pradel Cup» en sabeda, ai 14 de messé, dales 19.00 inant jö dal ciamp dl sport Pradel.

Dales 21.00 inant fistidiará la band Luis and the Space Travellers por le intratenimènt musical. Al gnará dé fora da mangé y da bère.

En dedemesaledema, ai 11 de messé, vègnel indò sié la cortina dales 17.00 inant; tl caje de bur tèmp vègnel sié le de do, jöbia. Chi che á dlaurela vègn dër bel periá da gni a daidé.

### LUNGIARÜ

Dai 06 ai 16 de messé é le prou don Tiziano a Lungiarü.

Al é n scandal ch'al é tres ciamó mez n miliard de jënt che patèsc la fan. I ne podun nia s'oje da na pert ia, sciöche chësc nes invaless nia – dij le Papa. La CARITAS á porchèl partí fora jorantins che é da ciáfé apé de dlijia:

*Te tröpes regiuns dl'Africa orientala é plü de n ann ca ch'al ne plöi nia plü. La bla y le sorch é seciá denanche madurí y i ciamps é süc, dürs y crepá sö. I paurs á pordü döt y ne n'á plü nia. Zënza n aiüt da foradecá ne n'ái nia i mesi da cumpré somënzes y tiers por canch'al plovará indò.*

*La fan desdrúj le dagní. Tl monn mörel vigni 12 secunc n möt por gauja dla fan. Tl'Africa a süd dl Sahara é vigni cuarta porsona che se döra fan por döta la vita. Ai pici mituns, che surviv, ti restel de gragn dagns de sanité por tres.*

*Cun na spénora de 10 euro al mëis ciafa n möt a scora n past al de  
Cun 35 euro é n paura bun da cumpré les somënzes ch'al adora por sü ciamps.  
Cun 50 euro é meso da nudrí na familia por n mëis alalungia  
Cun 200 euro vára da cumpré n bo che deplü paurs pó tó da aré i ciamps.*

Tolésse n te jorantin; info: tel. 0471 304 304 o [www.caritas.bz.it](http://www.caritas.bz.it)

Assoziaziun Turistica:

En dedolönesc, ai 11 de messé, dales 21.00: sèra folcloristica cun l'uniun Bal Popular Val Badia tl salf dles manifestaziuns a n'Antermèia.

En vëndres, ai 13 de messé, dales 21.00: Badia Musica Concert de musiga classica dl' trio "Les Finés" tl'Istitut Ladin Micurá de Rù.

En sabeda, ai 14 de messé, dales 21.00: diashow "Tera Ladina" de Mario Clara tla Pizzeria Bar Fornata a Lungiarü.



[www.unitepastorala.org](http://www.unitepastorala.org)

# Plata dles Ploanies San Martin y Lungiarü



siur Iaco Ploner 333 48 32 765 - [ploner.jakob@aruba.it](mailto:ploner.jakob@aruba.it)  
redaziun: [anton.gasser@rolmail.net](mailto:anton.gasser@rolmail.net) - 348 27 44 517 / 0474 523 194

**08.07. – 15.07.18 nr. 32**

ultimo termo por comunicaziuns: jöbia dales 20.00  
radio: 90,40 / 93,70

## 14<sup>a</sup> DOMÈNIA – Ann B

### Vangele do Merch 6, 1b-6

N gröm de jënt, che ascutâ sö Gejú, se fajô demorvèia y dijô:  
Da olâ àl pa döt chësc? Cí sapiënza é pa chësta, che ti é gnüda dada?  
Y cí mirachi é pa chisc, che sozed tres èl? Ne n' é nia chësc le zumpradü,  
le fi de Maria, y le fre de Iaco, de Ioses, de Iüda y de Scimun?  
Ne vir nia sües sorus chilò danter nos?

Y ai se scandalisâ por èl. Dailò ti à Gejú dit: Ignó ne n' à n profet tan pücia stima co te süa patria, pro sü parènc y te süa familia.  
Y al ne sciafiâ da fâ dailò degun miraco; mâ a n valgügn püri ti àl metü sö les mans y i à varì. Y al se fajô demorvèia de süa incredulité.




*Gejú vègn refodé te süa patria! Chësc fat é por me n'amonimènt:  
Ne sté a avèi preiudizi te to ce, no defrunt ala jënt, no a Chël Bel Dî!  
Deache i abitanc da Nazaret odò te Gejú ma le fi de Ujöp y Maria,  
le zumpradü, ne conesciòi nia che che èl é en realté.*

*Tan gonot me vára pa ince a me insciö cun les porsones ch'i incuntí?  
Cun le püch ch'i vèighi y ch'i sá de d'ères me fejí mia minunga,  
zënza conèsce sües cualités y facultés.  
I ne pó nia m'acotenté cun la pröma impresciun,  
al pó ester ch'i me fejes ilujiuns y ch'i me fales.*

*Insciö vára ince cun mi raport cun Chël Bel Dî.  
Aladò de mia imaja de Chël Bel Dî ch'i á ciáfé da pice insö  
m'aspetí certes cosses da d'èl, de positives o ince de negatives.  
Y spo, sce Chël Bel Dî me vègn adincuntra te döta n'atra manira,  
pól ester ch'i ne le conèsces nia o ch'i n'ois gnanca dër le conèsce.*

*Porchèl ais imènt: Chël Bel Dî é dagnora infinitamènter plü gran  
co túa imaja che t'as de èl. Porchèl aste döta la rajun da ti avèi crèta.(image)*

	SAN MARTIN	LUNGIARÜ	
08.07.18 <b>14<sup>a</sup> DOMËNIA – Ann B</b>	9.00 Corona 9.30 Gran Mëssa por la comunité y benedisciun dl tëmp	7.55 Corona por + Pire Nagler 8.15 Gran Mëssa por la comunité y benedisciun dl tëmp 2 <sup>a</sup> de sopoltöra de + Pire Nagler, Feur dl ann de + siur Fonjo Clara 15.00 Corona tla capela de S. Ujöp Fr.	 <p><b>N'él ince dan da ldi de chi che la davagna y la perd?</b></p> <p><i>Na odlada ai vangeli y al comportamënt de Gejú basta da dé na resposta tlera: Nou! Gejú s'á dagnora metü dala pert di stluc fora, de chi sön ur de tru, de chi che ne valô nia por la jënt. Al odô sciöche la jënt stlujô fora i debli, ël deperpo se comportâ atramënter: Al se lasciâ pié ite dai levrusc, che ne podô nia gní azicá, y i varí. A chi che petlá por se trá le vire ti scincâl süa salvëza. A chi che degügn ne ti jô ti pisc, ai publicans y picia dus, ti jô Gejú pomez. An ti tirâ dant ch'al se dê jô impara, mo ël ne s'un fajô nia dinfora. Pro Chël Bel Dî n'él degügn che vëgn eliminá cun trates da onesc metri sciöche pro i mondiai. Insciö ne dessera gnanca ester pro os. Cinamai a chi che s'á instësc stlüt fora él Gejú che ti deura n tru da gní a ciasa. Chësc nes dijel cun la storia dl fi pordü. Vignun y vignöna pó indô jí derevers da Chël Bel Dî. Pro d'él n'él degügn che la davagna o la perd, i sun duc sü fis ch'al á ion.</i></p>
09.07.18 <b>Lönesc</b> Agostin Zhao, Veronica		7.30 Mëssa +++ Maria, Zilia y Angela Clara	
10.07.18 <b>Dedolönesc</b> Erich, Olaf, Engelbert	19.30 Mëssa por familia Pepi Dejaco ++ Alfred y Erica Videsott por les Animes		
11.07.18 <b>Mercui</b> Benedët da Nursia, Olga		7.30 Mëssa por familia Carlo Castlunger	
12.07.18 <b>Jöbia</b> Ermagora y Fortunat, Louis y Zelig Martins	7.30 Mëssa + Moritz Castlunger (dl ann) + Tone Pedevilla + siur Heinrich Videsott <b>Corona por vocaziuns</b>	7.30 Mëssa ++ Scebio y Angela Nagler	
13.07.18 <b>Vëndres</b> Heinrich y Cunigunda, Sara, Arno	19.00 Adoraziun chîta 19.30 Adoraziun deboriada	7.30 Mëssa 3 <sup>a</sup> de sopoltöra de + Pire Nagler, Feur	
14.07.18 <b>Sabeda</b> Camillus da Lellis, Roland	13.30 Noza de Maria Christine Conrater y Armin Erlacher 15.30 Mëssa tla Ciasa de Palsa + Giovanni Pescoller 18.30 Mëssa prefestia + Elena Rubatscher Zingerle ++ Nando y Hannele Flöss + Lena Costabiei Moling	20.00 Mëssa prefestia + Daniele Pezzei, Ghestan dl ann de + Emma Clara de Col	
15.07.18 <b>15<sup>a</sup> DOMËNIA – Ann B</b> <i>Domënia de S. Cristofer</i>	9.00 Corona 9.30 Gran Mëssa por la comunité y benedisciun dl tëmp <i>Oferta por les Misciuns</i>	7.55 Corona 8.15 Gran Mëssa por la comunité y benedisciun dl tëmp <i>Oferta por les Misciuns</i> 15.00 Corona tla capela de S. Ujöp Fr.	